



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 59. Ejusdem Reginæ crudelitas contra Catharinam Grajam.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI.
A. C. 1562.

Ducem in Gallias secedere, inde autem postea ad Valliam Provinciam eo sine reverti decreverint, ut ibidem Scotiae Reginam in Angliæ Reginam proclamari curarent: nullatenus autem vivente Elisabetha quidquam adversus eam moliri intendissent: nisi cujusdam Astrologi vaticinio didicissent, Elisabetham hoc anno nondum evoluto evivis excessuram, hinc ad propositi sui executionem jam nunc opportuna media, se aggressos dicebant. Verum horum confessio jam satis, superque videbatur, ut lata sententia morti adjudicarentur: Regina tamen habita illustrissimi, ex quo originem trahebant, generis ratione illis vitæ gratiam fecerat.

§. LIX.

Elisabethæ crudelitas erga Catharinam Grayam.

Elisabetha non ea utebatur clementia adversus aliam Principem, licet minus ream: porro ea erat Catharina Graya Filia Ducis, ac Ducissæ Suffolciæ, quæ Joannæ Grayæ ex Mariæ Reginæ jussu capite plexæ Soror erat: quamvis ergo Catharina non alterius criminis rea inveniretur, nisi quod ad Angliæ sceptrum eidem jus competere, nihilominus alia eam vexandi ratio.

Hist. Eccles. Tom. XLV. Yy tio

Sæcul. XVI. tio excogitabatur; illa quippe nupserat
 A. C. 1562. Pembrochio Comiti, qui tamen con-
 jugalis hujus societatis impatiens sese
 Judicis sententia ab ea separari fecit:
 unde illa postmodum clam nuptias iniiit
 cum Harfordiæ Comite, qui in Fran-
 ciam peregre profectus conjugem suam
 gravidam reliquit. Elisabetha clan-
 destinum hoc connubium edocta
 mox Catharinam carceri mancipat, si-
 mulque Comitem postea reducem in vin-
 cula conjici jubet, Archiepiscopus au-
 tem Cantuariensis hoc matrimonium
 tanquam irritum lata sententia decla-
 rare præcipitur: cum autem Comes
 post pronuntiatam hanc sententiam e
 sua custodia clam egrederetur, ac Ca-
 tharinam conjugem suam invisendi op-
 portunitatem nactus esset, eadem rur-
 sus uterum gestare deprehendebatur;
 quocirca Comes trium capitalium sce-
 lerum reus proclamatur, scilicet, quod
 carceres effregerit, & Regii sanguinis
 Principem violaverit, nec non commer-
 cium carnale habuerit cum quadam fe-
 mina, a qua tamen Judicis sententia se-
 paratus fuisset: itaque ex hisce tribus
 sceleribus quodlibet quinque millium
 librarum sterlingicarum multa redi-
 mere, ac jurata fide Catharinæ socie-
 tatem ejurare jubetur, quod etiam post
 diuturni carceris squalorem effectui
 dedit,

Sæc. XVI.
A.C. 1562.

dedit; diu enim hanc sententiam revocari adlaborabat: Catharina vero tandem in carcere contabuit: quod autem Harfordiæ Comitem tanquam verum suum Maritum agnosceret, luculento comprobabat argumento, dum morti proxima a Regina veniam peti voluerit, eoquod absque ejus consensu nuptias iniisset.

§. LX.

Elisabethæ fœdus cum Franciæ Calvinistis.

Verum Elisabethæ longe majus periculum impendebat a Scotis, quorum Reginam potissimi tuebantur amici, qui opportunam seidem Angliæ regnum afferendi occasionem avidè præstolabantur: cum autem Elisabetha pro comperto haberet, quod cuncta hæc consilia a Guisio Duce agitentur, isque vehementer desideraret, ut Galli Religione Catholici sua arma in Normanniam circumferrent, hacque ratione Angliæ Regno, in quod copias ad consilium suum feliciter exequendum introducere moliebatur, viciniore essent: eapropter Elisabetha cum Carnotensi Præfecto, quem Condæus Princeps ad eam ablegabat, armorum societatem iniit, vi cujus Regina spondebat, quod Hugonottarum Principibus præter cen-

Yy 2 tum